

# 山居吟

浙音釋字琴譜：（明弘治四年前即 1491 年前）

## 第一段 伴泉石

飲泉憩石臥烟霞，拙生涯。白雲松下，與丘壑增價，時世無拘，塵網空勞他懸掛。西風籬落，晚節黃花，楓林噪暮鴉，是山中宰相人家。客來時，行竈煮香茶。

## 第二段 廬天地

茫茫天地一丹丘，風月夷猷。此身誰與同儔，結茅友伴巢由，老春秋。月爛床頭，經卷與香篝，遣閑悠。逍遙遠鳴騶，此身無辱無憂，西風門掩，晚節那黃花瘦。優游，雲腴漲雪任匙挑，逃閑你那酒是釣詩鈞，不減王侯。

## 第三段 臥煙霞

一枕烟霞春睡足，曉日的那烘岩谷。知心只有你那梅花鹿，時時來送福，情最篤。拭飲洗心泉一掬，細草和烟束，引藤蘿補遮茅屋。聽松風的那聲簌簌，細和瑤琴一曲。

## 第四段 友風月

四時風月盤桓，投閑，懶將足踏長安，萬事無干，做箇山居漢，尋箇樵夫伴。任人間花落也春殘，地方寬，土坑與蒲團，砂鍋和酒釀，妻子團圓。

結

一任雲舒卷，形骸變，孤月青天遠遠。